

備急千金要方卷第二十四 解毒并

朝奉郎守太常寺卿充秘閣校理判登聞檢院上護軍賜緋魚袋查林億等校



解毒食毒第一

解百藥毒第二

解五石毒第三

蟲蠱毒第四

胡臭漏腋第五

脫肛第六

癭瘤第七

癩病第八 陰瘡 妬精瘡附

解毒食毒第一 論一首 方三十九首

金澤文庫

論曰凡人跋涉山川不諳水土人畜飲啖誤中於毒素不知方多遭其斃豈非枉橫也然而大聖又設其法以救養之正



爲貪生嗜樂忽而不學一朝逢遇便自甘心竟不識其所以
今述神農黃帝解毒方法好事者可少留意焉

治諸食中毒方

飲黃龍湯及犀角汁無不治也飲馬尿亦良

治食百物中毒方

掘廁傍地深一尺以水滿坑中取廁籌七枚燒令煙以投
坑中乃取水汁飲四五升即愈急者不可得但掘地著水即
取飲之

又方 含貝子一枚須臾吐食物差

又方 服生韭汁數升

治飲食中毒煩懣方

苦參三兩咬咀以酒二升半煮取一升頓服之取吐愈

治食六畜肉中毒方

各取六畜乾屎末水服之佳若是自死六畜肉毒水服黃蘗末方寸匕須臾復與佳

又方 燒小豆一升末服三方寸匕神良

又方 水服竈底黃土方寸匕

治食生肉中毒方

掘地深三尺取下土三升以水五升煮土五六沸取上清飲

一升立愈

治食牛肉中毒方

狼牙灰水服方寸匕良

一作猪牙

又方 温湯服猪脂良

又方 水煮甘草汁飲之

治食牛馬肉中毒方

飲人乳汁良



治食馬肉血洞下欲死方

豉二百粒

杏仁二十枚

右二味咬咀蒸之五升米下飯熟擣之再服令盡

又方 蘆根汁飲以浴即解

治食狗肉不消心中堅或腹脹口乾大渴急發熱狂言妄語或洞下方

杏人一升合皮研以沸湯三升和絞取汁分三服狗肉皆

完片出即靜良驗

治食猪肉中毒方

燒猪屎末服方寸匕犬屎亦佳

治食百獸肝中毒方

頓服猪脂一斤佳亦治陳肉毒

治生食馬肝毒殺人方



牡鼠屎二十七枚兩頭尖者是以水研飲之不差更作

治食野菜馬肝肉諸脯肉毒方

取頭垢如棗核大吞之起死人

又方 燒狗屎灰水和絞取汁飲之立愈

又方 燒猪骨末之水服方寸匕日三服

治漏脯毒方

張文仲云茅室漏水沾脯為漏脯

擣韭汁服之良大豆汁亦得

治鬱肉濕脯毒方

張文仲云肉閉在密器中經宿者為鬱肉

燒狗屎末水服方寸匕凡生肉熟肉皆不用深藏密蓋不

泄氣皆殺人又肉汁在器中密蓋氣不泄者亦殺人

治脯在黍米中毒方

麴一兩以水一升鹽兩撮煮服之良

治中射罔脯毒方



末貝子水服如豆佳不差又服食餅臃中毒亦同用之
人以雉肉作麩臃因食皆吐下治之方

服犀角末方寸匕得靜甚良

凡食鵝鴨肉成病背滿面赤不下食者治之方

服秫米泔良

治食魚中毒方

煮橘皮停極冷飲之立驗肘後方云治食魚中毒面腫煩亂者

治食魚中毒面腫煩亂及食鱸魚中毒欲死者方

剉蘆根春取汁多飲良并治蟹毒亦可取蘆葦葶茸汁飲之愈

治食魚鱠及生肉住胃膈中不化吐之不出便成癥瘕方

厚朴兩三 大黃兩二

右二味咬咀以酒二升煮取一升盡服立消人強者加大

黃用酒二升煮取二升再服之



治食魚鱸不消方

大黃三兩切

朴消二兩

右二味以酒二升煮取一升頓服之腫後方有橘皮一兩

遇冷不消必成癥下之方亦無橘皮

又方

春馬鞭草飲汁一升即消去也生薑亦良肘後方云藥宜服諸吐

又方

鮫魚皮燒灰水服之無完皮壞刀裝取之一名鮫魚皮今古

錄驗云治食鯁魚傷毒

又方 燒魚皮灰水服方寸匕

又方

燒魚鱗水服方寸匕食諸鮑魚中毒亦用之

治食蟹中毒方

冬瓜汁服二升亦可食冬瓜

治食諸菜中毒方

甘草

貝齒

胡粉

右三種各等分治下篩以水和服方寸匕小兒尿乳汁共服二升亦好

治食山中樹菌毒方

又人屎汁服一升良

解毒百藥毒第二

論一首 方十二首

解毒二十八條

論曰甘草解百藥毒此實如湯沃雪有同神妙有人中烏頭

巴豆毒甘草入腹即定中藜蘆毒葱湯下咽便愈中野葛毒

土漿飲訖即止如此之事其驗如反掌要使人皆知之然人

皆不肯學誠可歎息方稱大豆汁解百藥毒余每試之大懸

絕不及甘草又能加之為甘豆湯其驗尤奇有人服玉壺丸

治嘔不能已百藥與之不止藍汁入口即定如此之事皆須知之此則成規更不須試練也解毒方中條例極多若不指出一二學者不可卒知餘方例爾

百藥毒

甘草

薺芎

大小豆汁

藍汁及實汁根汁

石藥毒

白鴨屎 人參汁

雄黃毒

防已

礪石毒

大豆汁 白鵝膏

金銀毒

服水銀數兩即出 鴨血及屎汁

雞子汁及屎白燒猪脂和服水淋雞屎汁煮葱汁

鐵粉毒

磁石

防葵毒

葵根汁

桔梗毒

白粥

甘遂毒

大豆汁

芫花毒

防已

防風

甘草

桂汁

大戟毒



菖蒲汁

野葛毒

雞子清

葛根汁

甘草汁

鴨頭熱血

猪膏

雞屎

人尿

藜蘆毒

雄黃

煮葱汁

温湯

烏頭天雄附子毒

大豆汁

遠志

防風

棗肉

飴糖

射罔毒

藍汁

大小豆汁

竹瀝

大麻子汁

六畜血

貝齒屑

蚯蚓屎

藕芰汁

半夏毒

生薑汁及煮乾薑汁



躑躅毒

梔子汁

葶苈毒

薺芫

甘草

犀角

蟹汁大和升麻

狼毒毒

杏仁

藍汁

白斂

鹽汁

木占斯

巴豆毒

煮黃連汁

大豆汁

生藿汁

肘後云
小豆藿

菖蒲汁

煮寒水石汁

蜀椒毒

葵子汁

桂汁

豉汁

鯽人尿

冷水

土漿

蒜

雞毛燒吸煙及水調服

雞子毒



淳醋

斑猫元青毒

猪膏

大豆汁

戎盐

藍汁

鹽湯煮猪膏

巴豆

馬刀毒

清水

杏人毒

藍子汁

野芋毒

土漿

人糞汁

諸菌毒

掘地作坑以水沃中攪之令濁澄清飲之名地漿

解一切毒藥發不問草石始覺惡即服此方

生麥門冬

葱白八

豉二

右三味以水七升煮取二升半分三服

解諸毒雞腸草散方

雞腸草三分

薺苳

升麻各四分

芍藥

當歸

甘草各一分

藍子合

空土分

右八味治下篩水服方寸匕多飲水為佳若為蜂蛇等眾毒蟲所螫以針刺螫上血出著藥如小豆許於瘡中令濕差為射罔箭所中削竹如釵股長二尺五寸以綿纏繞水沾令濕取藥內瘡中隨瘡深淺令至底止有好血出即休若服藥有毒水服方寸匕毒解痛止愈

解毒藥散方

薺苳分

藍并花二分

右二味七月七日取藍陰干搗篩水和服方寸匕日三



又方 中毒者取秦鸞毛二十七枚燒灰服

解一切毒方

母猪尿水和服之又水三升三合和米粉飲之

解鳩毒及一切毒藥不止煩滿方

甘草

蜜各四

梁米粉升

右三味以水五升煮甘草取二升去滓歇大熱內粉湯中

攪令勻調內白蜜更煎令熟如薄粥適寒溫飲一升佳

治食茛菪悶亂如卒中風或似熱盛狂病服藥即劇方

飲甘草汁藍青汁即愈

治野葛毒以死口噤者方

取青竹去兩節柱兩脇臍上內冷水注之暖即易之須臾

口開開即服藥立活惟須數易水

治鉤吻毒困欲死面青口噤逆冷身痺方

肘後方云鉤吻菜萸食若相似而所生之傍無



他草又莖有毛
誤食之殺人

薺芫八兩呔咀以水六升煮取三升冷如人體服五合日三
夜二凡煮薺芫惟令濃佳

又方 煮桂汁飲之

又方 噉葱涕葱涕治諸毒

治腹中有鐵方

白折炭刮取末并花水服三錢不過再服

服藥過劑悶亂者方

吞雞子黃 飲藍汁 水和胡粉 地漿

蘘荷汁 粳米瀋 豉汁 乾薑

黃連 飴糖 水和葛粉

解五石毒第三 論三首 方三十五首 證二十八條

論曰人不服石庶事不佳惡瘡疥癬温疫瘧疾年年常患

寢食不安興居常惡非止已事不康生子難育所以石在身
中萬事休泰要不可服五石也人年三十已上可服石藥若
素肥充亦勿妄服四十已上必須服之五十已上三年可服
一劑六十已上二年可服一劑七十已上一年可服一劑
又曰人年五十已上精華消歇服石猶得其力六十已上轉
惡服石難得力所以常須服石令人手足溫暖骨髓充實能
消生冷舉措輕便復耐寒暑不著諸病是以大須服凡石皆
熟煉用之凡石之發當必惡寒頭痛心悶發作有時狀如溫
瘧但有此兆無過取冷水淋之得寒乃止一切冷食惟酒須
溫其諸解法備如後說其發背疽腫方在第二十二卷中
又曰凡服石人甚不得雜食口味雖百品具陳終不用重食
其肉諸雜既重必有相賊聚積不消遂動諸石如法持心將
攝得所石藥為益善不可加余年三十八九嘗服五六兩乳